



MINISTÉRIO DA
AGRICULTURA
E PISCAS



Life *with* Forest

Jornal Vol. 1 / Publikasaun 1 / Febreiru 2017

Fundamentu

Ministério Agricultura e Pescas (MAP), Timor-Leste no Ajensia Japaun ba Kooperasaun Internasionál (JICA) konjuntamente implementa projetu kooperasaun téknika ida konaba Jestaun Rekursu Natural Sustentabel Bazeia ba Komunidade (CB-NRM) durante 2010 – 2015, ne'ebé mak hanesan follow up hosi estudu halao hosi JICA ba Jestaun Bacias Hidrograficas Integradu Bazeia ba Komunidade iha Mota inan Laclo no Comoro. Durante 2010 – 2015 esforsu barak halo hodi estabeselese mekanismu CB-NRM iha suku nen (6) iha area Mota inan Laclo no Comoro. Atividade Projectu inklui dezvoltimentu manual operacional konaba CB-NRM no Manual Tékniku konaba Planeamentu Uza Rai Partisipatoriu (PLUP) no Programa Mikro (E.z. ba kuda ai no to'os foho lolon), formasaun konsellu jestaun bacias Hidrograficas lokal ida nst. Realiza susesu no kontribusaun hosi projetu, GOTL halo pedidu ba Governo Japaun ba assistensia tékniku liutan hodi hametin ka habelar mekanismu CB-NRM iha area sira seluk



CB-NRM, Faze II – Kuadru Servisu Projetu

Area Projetu:

Bacias Hidrograficas Laclo no Comoro ho focus liu ba Sub-Bacias Hidrograficas Noru no Bemos

Parceria no Kolaborasaun:

MAP/DNFBGH no ONG.

Periodu Projetu:

Augustu 2016 to'o August 2020.

Meta:


Mekanismu Jestaun Rekursu Natural Sustentabel Bazeia ba Komunidade (CB-NRM) habelar ba bacias hidrograficas maior balun tuir konkordansia ho roadmap ka planu servisu

Objetivu Projetu:

Hametin Kapasidade hosi autor prinsipal sira inklui DNFBGH, ONG no parseiru sira seluk hodi habelar mekanismu CBNRM.

Areas Rezultadu:

Projetu ne'e sei ajuda MAP/DNFBGH ba preparasaun planu servisu ida ba espansaun CB-NRM. Ba kria ambiente diak ida ba institusaun diffente nebe relevante hodi servisu ba espansaun CB-NRM; ba dezvoltimentu kapasidade hosi parseiru xave sira liuhusi involvimentu efetivu iha implementasaun terrenu.





JICA halao detailu survey planeamentu ida inklui diskusaun lubun ho Diresaun Nasionál Floresta e Gestão Bacias Hidrograficas (DNFGBH) no Organizaun relevante sira, no projetu CB-NRM atual, Faze II mak rezultadu hosi survey ida ne'e. Record of Diskusaun (R/D) ka minutas enkontru konaba kooperasaun ba implementasaun projetu asina iha 18 Febreiru 2016. Projetu ba tinan hat tuir mai sei prinsipalmente fokus liu ba dezvoltamentu kapasidade hosi parseiru xave sira no hari'i fundasaun ba espansaun CB-NRM iha Timor-Leste.

Progresu hosi Implementasaun Projetu

Enkontru Komite Koordinasaun Konjunta (JCC) MAP no JICA halao ona iha 6 de outobru de 2016 hodi aprova planu servisu no implementasaun projetu no mekanismu Monitorizasaun. Sr. Mario Ribeiro Nunes, Diretor Geral Floresta, Caffee no plantas Industriais (DGCIFP), MAP apresia mekanismu CB-NRM no MAP uza ona manual sira ne'ebé dezvoltave hosi Projetu no informa katak MAP rekomenda ba Parseiru Dezenvolvimentu Seluk (DPS) atu promove mekanismu CB-NRM. Sr. Hikoyuki Ukai, Chefi representative JICA Timor-Leste, subliña impaktu real (tangível) no fô nia apresiasaun ba MAP ne'ebé fô ona razaun forte ba JICA hodi kontinua suporta ba faze II. DNFGBH aloka ona orsamanetu USD 10.000 hodi kontinua atividade iha suku 6 ne'ebé anteriormente hetan suporta hosi Projetu JICA CB-NRM, Faze I. ida ne'ebá hanesan etapa benvindu ida hosi DNFGBH hodi inisia atividade prinsipal iha projetu nia okos hanesan programa governo nian.



PLUP iha Fahisoi Liquidoe), Fahisoi (Remexio) no Fatasi (Laulara)

Projetu ne'e involve ONG lokál rua (RAEBIA Timor Leste no Fundação HALARAE) ba implementasaun Planeamentu Uza Rai Partisipatorio (PLUP) iha suku 6. Orientasaun no matadalan nesesariu fornese ona hosi Peritu Projetu nian ba ONG sira ba atividade PLUP no prosesu ne'e komesa ona iha suku 3. On the job training (OJT) ka pratika direktamente iha fatin servisu konaba PLUP komesa iha Outobru 2016 no sei kontinua to'o fin de Febreiru. Pratika direktamente iha fatin servisu ka OJT fornese oportunidade ba parseiru oi-oin – funsionario terrenu MAP Aileu nian, Funsionario DNFGBH, funsionario ONG no funsionariu hosi Parseiru Dezenvolvimentu seluk atu aprende PLUP no implementa iha sira nia area projetu respetivamente. Implementasaun etapa (batch) daruak OJT sei komesa iha Maiu 2017 ba suku tolu (3). Workshop ho komunitade organiza ona ba preparasaun mapa uza rai atual no futuro, reviu fali regulamentu suku ne'ebe hare liu ba esforsu komunitade nian ba jestaun Floresta no rekursu natural ne'ebé komformidade (lao tuir) ho planu uza rai fururu ne'ebe konkorda ona. Vizita kruza organiza ona hodi vizita suku Fadabloco no Tohumeta (Suku sira hosi Faze 1) hodi sensitiza komunitade ho area projetu foun ba PLUP, Regulamentu Suku no Programa Mikro

OJT loka dalan ba kolaborasaun ho Parseiru Dezenvolvimentu seluk.

Organizaun nebe delega nia staff ba OJT - MAF, GCCA-Camões, USAID-AVANSÁ Agrikultura Project, PERMATIL, ACHAE no FRATERNA

Selesaun Programa Mikro

Workshop iha nivel suku halao iha suku 3 (Suku no mos Aldeia) ba introdusaun programa mikro diferente, halo short-list no finalizasaun programa mikro. Komunitade diskuti ona programa sira tuir mai ne'e.

- Produsaun Ai-oan no Promosaun Kuda Ai
- Estensaun Fini Bazeia ba Komunitade
- To'os Uma Hun (Produsaun Modo)
- Hakiak Animal Kontroladu ho Banku Proteina
- Promosaun To'os Foho Lolon Sustentavel
- Rehabilitasaun Plantasaun Kafe
- Hasae Rendimentu/Rai Osan
- Sub-programa Kontrola kadalak hosi Inisiu
- Uza To'os Uma-Hun ho Sustentavel/To'os Permanente

Iha Fatisi, depois de enkontru lubun, fó valor no ezersisiu de klasifikasaun, comunidade sira konkorda hodi hili Programa mikro uza to'os uma hun sustentavel no to'os permanente. Iha Fahisoi (Liquedoe) no Fahisoi (Remexio), comunidade sira sira implementa promosaun to'os foho lolon sustentavel ho atividade estensaun fini bazeai ba comunidade. Projeitu ne'e iha hela prosesu selesaun ONG sira atu implementa programa mikro sira ne'e.

Etapas baziku adopta hosi projeitu ba PLUP

- Introdusaun hosi PLUP
- Formasaun grupu Servisu
- Vizita kruza ba suku sira hosi Faze 1
- Mapamentu uza rai atuál no futuru
- Halo ezbosu regulamentu suku inklui reviu lei tradisional
- Identifikasaun programa mikro
- Seremonia Tara Bandu



Enkontru inisiu ba Preparaun Planu Servisu (roadmap) CB-NRM

Dezenvolvimentu planu servisu ida ba MAP ba espansaun mekanismu CB-NRM mak xavi output ida hosi Projeto. Hanesan konkorda ona hosi MAP no Projeto JICA, taskforce/grupu servisu ida forma ona ho representasaun hosi xefi departamentu sira hosi diresaun nasonál tolu (Diresaun Nasionál Floresta e Gestão Bacias Hidrograficas – DNFGBH, Diresaun Nasionál Konservasaun Natureza – DNCN no Diresaun Nasionál Caffee no Plantas Industriais – DNCPI) hodi dirizi preparaun road map (palnu servisu). Enkontru inisiu halao ona iha 20 de Outobru de 2016 iha edefisiu MAP Caicoli iha Dili hodi introdus konseitu baziku, métodu, orariu no papel hosi parseiru oi-oin iha preparaun planu servisu ka roadmap. Previsto ona katak roadmap sei guia funsionariu MAP nian hodi identifika bacias Hidrograficas kritikú/prioridade no inisia asaun ba jesaun sustentavel hosi bacias Hidrograficas kritiku sira liuhosi uza rekursu sira hosi programa diferente no projeto governu nain no ajensia rekursu esternal sira. Enkontru follow-up ida mos halao iha dia 7 de Febreiro 2017 hodi halo planu liutan konaba metodu no tempu ba preparaun roadmap.

Inisia dialogu ba plataforma jeral ida konaba CB-NRM no jestaun bacias Hidrograficas

Durante fulan Setembru-Outobru 2016, Ekipa Projeto halo interasaun ho diferente Parseiru Dezenvolvimentu servisu iha area Florestál, NRM, no Jestaun Bacias Hidrograficas hodi fahe informasaun konaba projeto ne'e; komprende sira nia intervensaun, identifika area kolaborasaun possible; no explora possibilidade hosi forma plataforma jeral ida atu fahe informasaun no esperensia iha jestaun rekursu naturál bazeia ba comunidade. Tuir diskusaun ho Diretór DNFGBH concept note ida prepara iha tempu ne'eba hodi hametin koordenaun entre Parseiru Dezenvolvimentu servisu iha area Floresta no Jestaun Bacias Hidrograficas. DNFGBH depois halao enkontru koordenaun ne'e iha 20 de Febreiro de 2017 koalio konaba importansia hosi dezenvolvimentu matadalan ne'ebe standariza ba jestaun Floresta sustentavel. Iha adisaun, Ekipa Projeto mós partisipa iha enkontru harmonizasaun entre Parseiru Dezenvolviment-MAP nian halo iha 30 de Janeiro de 2017.

Xefi Asesor Projeto JICA CB-NRM partisipa iha konsultasaun rejional ba ezposu lei Floresta iha dia 4 de Outobru de 2016 iha edefisiu MAP Ainaro ne'ebé partisipa hosi representativa hosi DNFGBH, FAO, funsionariu Agrikultura hosi Municipio Ainaro, Covalima no Manufahi, ONG sira, representante suku sira nst. Xefi Asesor mós - fornese ninia observasaun konaba ezposu lei Floresta. Ekipa servisu komposto hosi MAP, FAO ba formulaun/revizaun politika Floresta no lei Floresta baziku visita suku projeto CB-NRM (Tohumeta) hodi komprende esforsu projeto konaba PLUP no programa mikro.

Eventu sira Tuir Mai

- Workshop CB-NRM Stakeholders iha Dili iha Marsu 2017.
- OJT ba Promosaun To'os Foho Lolon Sustentavel hosi Mediu-Marsu 2017.
- OJT ba Planeamentu Uza Rai Partisipatoriu hosi Maiu 2017.

Ba Informasaun Detailu, Favor kontaktu ami:-

Projeto JICA Ba Jestaun Rekursu Naturál Sustentavel Bazeia ba Komunitade Faze II

Edefisiu: Edifisiu Floresta, Rua Caicoli, Dili, Timor-Leste
Tel / Fax: +670-333-1125

Tuir ami iha  @JICATimorLesteCBNRM

